



basic education

Department:
Basic Education
REPUBLIC OF SOUTH AFRICA

PUNTE

JAARLIKSE NASIONALE ASSESSERING 2012 GRAAD 4 AFRIKAANS HUISTAAL TOETS

PUNTE: 30

TYD: 1½ uur

PROVINSIE _____

STREEK _____

DISTRIK _____

NAAM VAN SKOOL _____

NASIONALE OBIS-NOMMER (9 syfers)

--	--	--	--	--	--	--	--	--

KLAS (bv. 4A) _____

VAN _____

NAAM _____

GESLAG (✓)

SEUN

DOGTER

GEBOORTEDATUM

C	C	Y	Y	M	M	D	D
---	---	---	---	---	---	---	---



Hierdie toets bestaan uit 12 bladsye, die voorblad uitgesluit.

Instruksies aan leerders

1. Lees al die instruksies noukeurig deur.
2. Beantwoord al die vrae in die spasies wat voorsien word.
3. Jou onderwyser sal jou deur die praktiese voorbeelde lei voordat jy met die toets begin.
4. Hierdie toets duur 90 minute.
5. Skryf netjies en leesbaar.

Praktiese voorbeelde

1. **Omkring die letter voor die korrekte antwoord.**

Koeie gee vir ons ...

A kaas.

B botter.

☒ C melk.

D roomys.

Jy het die vraag korrek beantwoord as jy C omkring het.

2. **Nommer die volgende sinne 1 tot 5 in die blokkies om die volgorde waarin Marie regmaak vir skool, aan te dui.**

A Marie ontmoet haar vriende op pad skool toe.	4
--	---

B Marie word wakker en staan op.	1
----------------------------------	---

C Sy is nou gereed om skool toe te gaan.	3
--	---

D Sy was haarself en trek haar aan.	2
-------------------------------------	---

E Sy kom betyds by die skool aan.	5
-----------------------------------	---

Jy het die vraag korrek beantwoord as jy die nommers in die blokkies geskryf het, soos hierbo.

Die toets begin op die volgende bladsy.

Lees die teks hieronder en beantwoord dan Vraag 1 tot 8.

ANNIE LEER 'n LES



Annie was 'n baie selfsugtige klein dogtertjie. Sy het saam met haar ma en pa in 'n groot huis in 'n pragtige woonbuurt gebly. As die enigste kind was sy baie bederf. Sy het altyd lekkergoed en sjokolade voor haar maats geëet sonder om vir hulle daarvan aan te bied. Sy wou ook glad nie haar speelgoed met ander deel nie. Sy was eintlik maar gemeen en onbeskof teenoor haar vriende. Een sonnige Saterdagmiddag het John, Musa en Thembi by Annie gaan speel. Hulle het besluit om haar 'n goeie les te leer. Musa het sy splinternuwe skaatsplank saamgeneem. Die kinders het beurte gemaak om op en af in die lang oprit voor Annie se huis op Musa se skaatsplank te skaats.

Annie, wat haar ouers gesmeek het vir 'n skaatsplank vir Kersfees, het baie kwaad en nukkerig geword toe haar maats haar nie 'n beurt wou gee om op die skaatsplank te ry nie. "Kry jou eie skaatsplank, Annie," het John uitgeroep, "dan kan jy saam met ons pret hê!" Annie het baie hartseer en teleurgesteld gevoel. Wat 'n prettige middag moes wees, het gou vir haar verander in 'n aaklige en vervelige dag. Sy het besef hoe onbedagsaam sy teenoor haar maats opgetree het en hoe hartseer sy hulle moes gemaak het.

Sy het skielik 'n blink idee gekry. "Kom binne, dan drink ons sap en eet sjokoladekoek!" het sy gesê. Annie se maats was stom van verbasing oor die skielike verandering in haar gesindheid. Hulle was baie bly dat Annie nie meer net aan haarself gedink het nie. Hulle was seker dat sy in die toekoms meer dikwels haar speelgoed en lekkergoed met ander sou deel.

Omkring die letter voor die korrekte antwoord in Vraag 1 tot 4.

1. Watter tipe vriendin was Annie aan die begin, volgens die teks?
 - A Vrygewig en vriendelik
 - B Gemeen en onbeskof
 - C Vriendelik en mededeelsaam
 - D Ongeskik en wreed (1)

2. Waar het Annie gewoon? In 'n ...
 - A klein, stil dorpie.
 - B besige straat naby die see.
 - C pragtige woonbuurt.
 - D hoë woonstelblok in die stad. (1)

3. Wanneer het Annie se maats by haar kom speel?
 - A Een sonnige Saterdagmiddag
 - B Een koue Saterdagavond
 - C Een winderige Saterdagoggend
 - D Een middag na skool (1)

4. Hoe het Annie se maats haar daarvan bewus gemaak dat sy dinge verkeerd doen?
 - A Hulle het met haar oor mededeelsaamheid gepraat.
 - B Hulle wou met haar speelgoed speel.
 - C Hulle het vir haar 'n Kersgeskenk gekoop.
 - D Hulle het haar uitgesluit laat voel. (1)

5. **As jy een van Annie se maats was, hoe sou jy gevoel het?**

Skryf jou antwoord in 'n volsin.

(1)

6. **Beantwoord die volgende vrae in volsinne:**

- 6.1 Wat dink jy was moontlik die rede dat Annie selfsugtig was?

(1)

- 6.2 Hoe het Annie se vriende oor haar selfsugtige gedrag gevoel?

(1)

7. **Die sinne hieronder vertel hoe Annie 'n les geleer het.**

Nommer die sinne van 1 tot 5 in die blokkies om die volgorde van hoe Annie 'n les geleer het, aan te dui.

A John, Musa en Thembi het besluit om vir Annie 'n les te leer.

B Annie het haar vriende vir sap en sjokoladekoek genooi.

C Annie het nooit haar lekkers, sjokolade en speelgoed gedeel nie.

D Annie het teleurgestel en hartseer gevoel.

E Annie se vriende het buite haar huis geskaats.

(1)

8. **Watter belangrike les het jy uit hierdie storie geleer?**

Skryf jou antwoord in 'n volsin.

(1)

9. **Skryf die volgende sinne in die verlede tyd oor.**

9.1 Die drie kinders ry op 'n skaatsplank.

_____ (1)

9.2 Annie bied daarna vir hulle koek en sap aan.

_____ (1)

10. **Omkring die letter wat die sinne die beste voltooi.**

10.1 John, Musa en Thembi was kwaad vir Annie ...

- A dus het hulle nie van haar gesindheid gehou nie.
- B alhoewel hulle nie van haar gesindheid gehou het nie.
- C omdat hulle nie van haar gesindheid gehou het nie.
- D maar hulle het nie van haar gesindheid gehou nie. (1)

10.2 Tom se skaatsplank het steeds vinnig gery ...

- A alhoewel dit gekraak was.
- B omdat dit gekraak was.
- C want dit was gekraak.
- D of dit gekraak was. (1)

11. Omkring die letter voor die regte werkwoord om die sinne hieronder te voltooi.

11.1 Ons ...vir Annie 'n les leer!

- A het
 - B is
 - C was
 - D wil
- (1)

11.2 Annie is gelukkig, want sy ... mooi speelgoed in haar kamer.


- A het
 - B sal
 - C hê
 - D sou
- (1)

**12. Skryf die onderstaande sin oor vanaf die Indirekte Rede na die Direkte Rede.
Onthou om die regte leestekens te gebruik.**

Annie sê dat sy hartseer was.

_____ (2)

Gebruik die kaart hieronder om Vraag 13 en 14 te beantwoord.



13. **Omkring die letter voor die korrekte antwoord.**

13.1 Waar moet die kinders die bus na skool haal?

- A Parkstraat
- B Kortstraat
- C Suidstraat
- D Noordstraat

(1)

13.2 Watter familie woon die verste van die hospitaal af?

- A Die Jonathan-familie
- B Die Smit-familie
- C Die Seema-familie
- D Die Naidoo-familie

(1)

14. **Omkring die letter voor die korrekte antwoord.**

Neeshi is 'n verpleegster by die hospitaal en het haar handsak by haar ma, mev. Seema, se huis gelos. Neeshi moet haar handsak by die huis gaan haal. Kies die beste pad wat Neeshi vanaf die hospitaal na haar ma se huis toe moet volg om haar handsak te gaan haal.

Draai regs in Langstraat, dan ...

- A links in Noordstraat.
- B regs in Suidstraat.
- C regs in Kortstraat.
- D links in Parkstraat.

(1)

15. Lees die paragraaf hieronder en gebruik die inligting om die tabel te voltooi.

Suid-Afrika is 'n land wat deel is van die vasteland Afrika. Daar is nege provinsies in Suid-Afrika. Gauteng is die kleinste provinsie en Noord-Kaap is die grootste provinsie. Mnr. Jacob Zuma is Suid-Afrika se president. In Suid-Afrika word elf amptelike tale gepraat. Lesotho is 'n buurstaat binne die grense van Suid-Afrika. Die koue Atlantiese Oseaan lê aan die weskus en die Indiese Oseaan aan die ooskus van Suid-Afrika. Suid-Afrikaners staan bekend as die Reënboognasie.



A	Die getal provinsies in Suid-Afrika	
B	Die kleinste provinsie in Suid-Afrika	
C	Die president van Suid-Afrika	
D	'n Buurstaat binne die grense van Suid-Afrika	

(4)

16. **Skryf 'n paragraaf om die prent hieronder te beskryf.**

- Kyk na die prent hieronder.
- Skryf 'n paragraaf van SES sinne.
- Beskryf wat jy dink besig is om in die prent te gebeur.
- Skryf jou paragraaf as 'n storie.
- Punte sal vir inhoud en taalgebruik toegeken word.

Leestekens, spelling en taalgebruik moet korrek wees.



